

समे रू 1815

<><><><><><>

Headlines

1. प्रधानमंत्री नरेन्द्र मोदी होर कल रेडियो कार्यक्रम 'मन की बात' राहें अपने विचार देश-विदेश दे लोकें कन्नै सांझे करडन।
2. मुख्य सचिव अटल डुल्लु होरें औंदी 10 दिसम्बर तोहड़ी प्रदेश च ऑनलाईन आरटीआई पोर्टल शुरू करने दे निर्देश दित्ते न।
3. महाराष्ट्र च बीजेपी दी अगुवाई आह्ला महायुती गठबंधन बड्डी जित्त बक्खी अगड़ा बधा करदा ऐ जिसलै के झारखंड च जेएमएम दी अगुवाई आह्ला इंडी गठबंधन सत्ता च बने दा रौहग।
4. क्रिकेट च भारत नै अस्ट्रेलिया कन्नै खेड्डी जा करदी बार्डर-गवास्कर ट्राफी प्रतियोगिता दे पैहले टेस्ट मैच दी अपनी दुई पारी च 218 रन्जें दी बढ़त बनाई लैती ऐ।
5. भारी बर्फबारी करी सिन्धुन सिङ्क गड्डिएं दी आओजाई लेई बंद; जम्मू-श्रीनगर राष्ट्री जरनैली सिङ्कै पर गड्डिएं दी आओजाई बवस्थित ढंगै सिर जारी ऐ।

<><><><><><>

PM-Man Ki Baat

प्रधानमंत्री नरेन्द्र मोदी होर कल आकाशवाणी पर "मन की बात" कार्यक्रम राएं देश ते विदेश दे लोकें कन्नै अपने बचार सांझे करगन। एह इस महीने रेडियो कार्यक्रम दी 116मीं किश्त होग। एह कार्यक्रम आकाशवाणी ते दूरदर्शन दे समूलचे नेटवर्क उप्पर ए.आई.आर दी वैबसाइट उप्पर ते न्यूज ऑन एयर मोबाइल ऐप उप्पर प्रसारत कीता जाग। एहदे इलावा एयर न्यूज, डीडी न्यूज, पीएमओ ते सूचना ते प्रसारण मंत्रालय दे यूट्यूब चैनलें उप्पर बी सिद्धा प्रसारण कीता जाग। आकाशवाणी दे इस कार्यक्रम गी हिंदी प्रसारण दे तुरत मगरा क्षेत्रीय भाषाएं च बी प्रसारत कीता जाग। बडलै 11 बजे होने आले मन की बात दे हिंदी प्रसारण दे तुरत मगरा एहदा डोगरी च अनुवाद प्रसारत रातीं 8 बजे बी कीता जाग। आकाशवाणी दा क्षेत्रीय समाचार एकांश जम्मू "मन की बात" पर इक परिचर्चा कल रातीं सांझे 10 बजे करोग।

<><><><><><>

PM-Quiz

प्रधानमंत्री नरेन्द्र मोदी होरें भारतवासिएं ते होरने देसै दे लोकें गी "भारत को जानिए" नां दे क्विज़ च हिस्सा लैने लेई आखेआ ऐ। इक सोशल मीडिया पोस्ट च प्रधानमंत्री होरें आखेआ जे एह प्रश्नोत्तरी प्रतियोगिता भारत ते समूलची दुनिया च रौहने आले भारतीय मूल दे लोकें बश्कार सरबंधें गी होर निगार बनांदी ऐ। मोदी होरें इसी देश दी सगोसार विरासत ते जीवंत संस्कृति गी जानने दा इक शानदार जरिया गलांदे होई आखेआ ते इस क्विज़ दे जेतुएं गी "अतुल्य भारत" दे दर्शन करने दा मौका थहोग।

J&K - RTI

मुख्य सचिव अटल डुल्लु होरें जम्मू-कश्मीर च सूचना दे अधिकार सरबंधी पोर्टल गी इस ब'रे 10 दिसम्बर तगर शुरु करने दे निर्देश दित्ते न। ऑनलाईन आरटीआई पोर्टल विकसित करने सरबंधी कम्में दा अज्ज जम्मू च लाई गेदी इक बैठक दरान जायजा लेंदे होई मुख्य सचिव होरें सरबन्धत अधिकारिएं पर जोर पाया जे ओह् इस ब'रे 10 दिसम्बर तगर एह् सेवा लोकें दे नमित लाने लेई सब्बै मुमकन जतन करन। उनें इस पोर्टल दे शुरु होई जाने तगर रोजै दे रोज एह्दे कम्में दी निगरानी लेई बी हुक्म रसाल कीता। उनें सामान्य प्रशासनिक विभाग – जीएडी पर जोर पाया जे ओह् हर इक मैह्कमे थमां सरबन्धत अधिकारिएं ते नोडल अफसरें गी एह्दे'नै जोड़ने दे प्रावधान करन। वित्त विभाग सने सूचना टेक्नोलाजी विभाग दे प्रधान सचिव ते होरनें बड्डे अधिकारिएं बी इस बैठका च हिस्सा लैता। इस मौके पर एनआईसी आसेआ नेशनल ई-विधान एप्लीकेशन दे राहें डिजिटल विधानसभा दिएं संभावनाएं बारै जानकारी दित्ती। इस मौके इब्बी दससेआ गेआ जे संसदी मामले सरबन्धी मंत्रालय नै इस उद्देश्य लेई 22 करोड़ 62 लख रुपें दी रकम बी उपलब्ध करोआई दी ऐ।

Training(byte)

बन्ने दे कोल काल दे ग्रां दे बेरोजगार युवाएं गी सुविधा देने लेई सेवा राजौरी जिले च भर्थी शा पैहले दी ट्रेनिंग देआ'रदी ऐ। जिले दे एलओसी दे कोल आले ग्रां पंजग्राई ते गंभीर दे युवाएं गी ट्रेनिंग देने लेई गंभीर बआलियन आस्सेआ इक ट्रेनिंग कैप दा आयोजन कीता गेआ। नोजवानें दी सफलता गी लकीनी बनाने च सेना आस्सेआ शरू कीती दी सकारात्मक भूमका दी युवाएं बड़ी सराहना कीती ऐ। साढ़े राजौरी थमां आकाशवाणी दे संवाददाता शक्तिपाल हुंदे कन्नै गल्बत करदे होई युवाएं आखेआ

Kishtwar

किश्तवाड़ दे जिला रोजगार ते परामर्श केन्द्र नै आईटीआई किश्तवाड़ च इक व्यापक युवा प्रशिक्षण कार्यक्रम दा आयोजन कीता। किश्तवाड़ थमां आकाशवाणी दे संवाददाता कलैश नाथ होरें दस्सेआ जे इस पैहलकदमी दा मकसद किश्तवाड़ जिले दे युवाएं च कम्म करने ते उद्यमिता दे हुनर च बाद्धा करना ऐ। इस कार्यक्रम च श्रम ते रोजगार दफ्तर, पालिटैकनिक कालेज ते आईटीआई कालेज दे अधिकारी बी मजूद हे। प्रतिभागिएं गी बैंक क्रेडिट स्कीम बारे बी जानकारी दित्ती गई।

Udhampur Blood Camp(byte)

जागतें दे गौरमेंट डिग्री कालेज उधमपुर नै जम्मू कश्मीर थल्ला सेमिया सोसायटी कन्नै रलियै अज्ज कालेज परिसर च रक्तदान शिविर दा आयोजन कीता। इस कार्यक्रम च 100 शा मते विद्यार्थिएं ते स्टाफ सदस्यें रक्तदान कीता। साढ़े आकाशवाणी दे संवाददाता अचिन दूबे हुंदे कन्नै गल्लबात करदे होई कालेज दे प्रिंसिपल डॉ. संजय वर्मा होरें आखेआ

<><><><><><>

Election Result

महाराष्ट्र असैम्बली चुनाएं च बीजेपी दी अगुवाई आह्ला महायुती गठबंधन बड्डी जित्त बक्खी अगड़ा बधै करदा ऐ जिसलै के झारखंड च सत्ता दी कमान इंडी गठबंधन दे हत्थें च गै रौह्ग। महाराष्ट्र दिएं कुल 288 सीटें चा बीजेपी नै अजें तगर 84 सीटां जित्ती लैती दिआं न जिसलै के 49 सीटें पर ओह् अगगे चलै करदी ऐ। तोआई एकनाथ शिंदे हुंदो अगुवाई आहली शिव सेना नै 40 सीटां जित्ती लैती दिआं न ते उन्नै 17 सीटें पर बढ़त बनाई दी ऐ। कांग्रेस नै 10 सीटां जित्ती दिआं न ते ओह् फिलहाल 5एं सीटें पर अगगे ऐ जिसलै के शरद पवार गुट आहली एनसीपी 5 सीटां जित्ती चुकी दी ऐ ते 4 सीटें पर ओह् अगगे चलै करदी ऐ। दुई बक्खी झारखंड दिएं कुल 81एं सीटें चा सत्ताधारी झारखंड मुक्ति मोर्चा नै 22 सीटां जित्ती दिआं न ते ओह् 12 सीटें पर अगगे ऐ। कांग्रेस पार्टी नै उत्थेद 11 सीटां जित्ती लैती दिआं न ते ओह् 5 सीटें पर अगगे चलै करदी ऐ जिसलै के बीजेपी गी 15 सीटां हासल होई गेदिआं न ते उन्नै 6 सीटें पर बढ़त बनाई दी ऐ। वायनाड ते नांदेड़ आहलिएं द'ऊं लोकसभा सीटें पर होए दे उपचुनांऽ ते बक्ख-बक्ख राज्यें च केई सारी विधानसभा सीटें लेई होए दे उप-चुनाएं दे वाटें दी गिनतरी बी अज्ज गै होआ'रदी ऐ। केरल दे वायनाड संसदी हलके च प्रियंका गांधी वाडरा होर 4 लक्ख शा मते वोटें दे फर्क कन्नै बड्डी जित्त हासल करी लैती ऐ जिसलै के महाराष्ट्र च बीजेपी दे मेदवार डाक्टर संतुकराव हम्बारडे होरें कांग्रेस पार्टी दे रविंदर चवन हुंदे थमां 39 ज्हार शा मते वोटें दी बढ़त बनाई दी ऐ।

<><><><><><>

Traffic Meet

जम्मू-कश्मीर ट्रैफिक पुलसा दे इंस्पैक्टर जनरल मोहम्मद सुलेमान चौधरी होरें केन्द्र शासित प्रदेश च ट्रैफिक दी मजूदा चुनौती कन्नै निब्बड़ने लेई ट्रैफिक पुलस दिएं सब्बनें इकाइएं दे प्रमुखें कन्नै इक बैठक लाई। इस दरान ट्रैफिक दे असरदार ढंगै सिर प्रबंधन दी दिशा च पेश आवै करदी चुनौतिएं दे मसलें दी पन्छान करने पर मुख् करियै ध्यान केन्द्रित कीता गेआ। आईजी होरें सब्बनें सुपरवाईजरी अफसरें गी निर्देश दित्ता जे ओह् सिड़क सुरक्षा जकीनी बनाने लेई सर्वोच्च अदालतै दे दिशा-निर्देशें मूजब गै मुकामी स्तरै पर बी अपनी रणनीति तैयार करन। एह्दे अलावा ट्रैफिक सीगे दे सब्बनें एसएसपी-एं गी निर्देश दित्ता जे ओह् मते रश आहले समें दरान आपूं बक्ख-बक्ख इलाकें च जाइयै निजी तौर पर निगरानी करन। एह्दे अलावा उनें'गी इब्बी आखेआ गेआ ऐ जे ओह् नाबालिगें आसेआ गड्डियां चलाए जाने, शराब पीईये गड्डियां चलाने ते तय कोला मती रफ्तार च गड्डियां चलाने आहलें खलाफ कार्रवाई जकीनी बनान।

<><><><><><>

Poonch

पुंछ दे डिप्टी कमीशनर विकास कुंडल ते एसएसपी पुंछ शफकत होरें कल सब डिवीजन सुरनकोट दा व्यापक दौरा लाया। अपने इक सोशल मीडिया पोस्ट च डीसी पुंछ होरें लिखेआ जे उनें जरनैली शिड़क दे निर्माण सनें बक्ख-बक्ख विकास परियोजनाएं च कम्म करने आले खास तौरा पर गैर मकामी मजदूरें दी सुरक्षा उपाएं दा जायजा लैता।

<><><><><><>श

Agriculture(byte)

पुंछ दे राई-बाई आले मैहकमे नै स्ट्रेन्थनिंग ऑफ फार्मस कार्यक्रम तैहत करसानें गी गंडे, शलगम, बंदगोभी ते ब्रोकली जनेही सब्जिएं दे जैविक पौधें दी पनीरी गी बंडना शुरू करी दित्ता ऐ। जिले च रबी दे मौसम च इस चाल्ली दी बमारी ते करड़े-मकोड़े मुक्त पौधे गी पैहली बारी आन्नेआ गेआ ऐ। साढ़े आकाशवाणी दे संवाददाता अनुभव मिसरी हुंदे कन्नै गल्लबात करदे होई कृषि विशेषज्ञ संजीव मेहता होरें दस्सेआ

<><><><><><>

Cricket

क्रिकेट च, भारत नै अस्ट्रेलिया कन्नै खेड्ढी जा करदी 5 टेस्ट मैचें दी बार्डर-गवास्कर ट्रॉफी प्रतियोगिता दे पैहले मैच दी अपनी दुई पारी च 218 रन्जें दी बढ़त हासल करी लैती ऐ। अज्ज दिनै दा खेड्ढ मुक्कने तगर भारत नै बिजन कोई विकेट मुहाए दे 172 रन्ज बनाई लैते। भारत दे सलामी बल्लेबाज यशस्वी जैयसवाल होरें 90 रन्ज जिसलै के के.एल. राहुल नै 62 रन्ज बनाए ते अज्ज दिनै दा खेड्ढ मुक्कने तगर एह दौनें गै क्रीज़ पर टिके दे हे। एहदे शा पैहले मेजबान अस्ट्रेलिया नै अज्ज बड्डलै अपने कल्लै दे स्कोर 7 विकेटें दे नुक्सान पर 67 रन्जें शा अगगे खेड्ढना शुरू कीता ते उंदी पूरी टीम 104 रन्जें पर सिमटी गई। भारती कप्तान जसप्रीत बुमराह नै 5 विकेटां जिसलै के हर्षित राणा नै 3 ते मोहम्मद सिराज नै 2 विकेटां अपने नांऽ कीतीआं।

<><><><><><>

Weather

जम्मू ते एहदे कन्नै लगदे इलाकें च अज्ज हल्की बूदा-बांदी होई जिसलै के किश्तवाड़ जिले गी कश्मीर घाटी दे अनंतनाग कन्नै जोड़ने आहली सिन्थन शिड़क भारी बर्फबारी करी बंद होई गेदी ऐ। आकाशवाणी दे किश्तवाड़ जिला संवाददाता नै छात्तरू दे एसडीएम नईम-उर-रहमान हुंदे हवाले नै जानकारी दित्ती ऐ लोकें दी सुरक्षा गी ध्याना च रक्खदे होई अगले हुक्मै तोहड़ी इस शिड़कै पर गडिडएं दी आओजाई बंद रक्खी जाहग। ऊआं जम्मू-श्रीनगर राष्ट्री जरनैली सिड़कै पर गडिडएं दी आओजाई बवस्थित ढंगै सिर जारी ऐ। तोआई आकाशवाणी दे पुंछ जिला संवाददाता अनुभव मिसरी मूजब, पुंछ जिले गी दक्खनी कश्मीर दे शोपियां कन्नै जोड़ने आहली ऐतिहासिक मुगल रोड पर गडिडएं दी आओजाई बवस्थित

तरीके कन्नै चलै करदी ऐ। जम्मू च अज्ज दिनै दा बद्धोबद्ध तापमान 23.2 डिग्री सैल्सियस जिसलै के जंदी रातीं दा घट्टोघट्ट तापमान 12.4 डिग्री सैल्सियस दर्ज कीता गेआ।

<><><><><><>